



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՄԱՍԿՈՒԹՅԱՆ ԴԱՏԱՐԱՆ

ՀՀ, ք. Երևան, Օտյան փող., 53/2, snank@court.am

ԴԴ-9- *38496 180804*
«17» օգոստոսի 2023թ.
Գործ թիվ ՍնԴ/1146/04/22

ՀՀ պետական եկամուտների կոմիտեին
(ՀՀ, ք. Երևան, Մ. Խորենացու 3,7)

«ՎՐՈՒՎԱՐ» ՍՊԸ-ին
(ՀՀ, ք. Երևան, Նժդեհի 42)

«ՎՐՈՒՎԱՐ» ՍՊԸ-ի
մասնակից՝ Մարիետա Չիթյանին
(ՀՀ, ք. Երևան, Կոմիտասի 23-22)

«ՎՐՈՒՎԱՐ» ՍՊԸ-ի սնանկության
գործով ժամանակավոր կառավարիչ՝
Վահագն Դավթյանին
(ՀՀ, ք. Երևան, Լուկաշինի 1-ին շենք, բն. 22)

Կից Ձեզ է ուղարկվում «ՎՐՈՒՎԱՐ» ՍՊԸ-ի սնանկության գործով Հայաստանի
Հանրապետության սնանկության դատարանի «Լուծարման վարույթ սկսելու և
պարտապանի գործունեությունը կասեցնելու մասին» 17.08.2023 թվականի որոշումը:
Առդիր «8» էջ:

ԴԱՏԱՎՈՐԻ ՕԳՆԱԿԱՆ՝ *Անգ* Ս. ՄԿՐՏՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՆԿՈՒԹՅԱՆ ԴԱՏԱՐԱՆ
Ո Ր Ո Շ ՈՒ Մ**

**ԼՈՒԾԱՐՄԱՆ ՎԱՐՈՒՅԹ ՄԿՍԵԼՈՒ ԵՎ ՊԱՐՏԱՊԱՆԻ
ԳՈՐԾՈՒՆԵՈՒԹՅՈՒՆԸ ԿԱՄԵՑՆԵԼՈՒ ՄԱՍԻՆ**

«17» օգոստոսի 2023թ.

ք. Երևան

Հայաստանի Հանրապետության սնանկության դատարանը (այսուհետ՝ Դատարան)՝ նախագահությամբ դատավոր Լիանա Հարությունյանի, քննության առնելով «ՎՐՈՒՎԱՐ» ՍՊԸ-ի լուծարման վարույթը սկսելու և գործունեությունը կասեցնելու հարցերը,

Պ Ա Ր Զ Ե Ց

Հայաստանի Հանրապետության պետական եկամուտների կոմիտեն (այսուհետ՝ Դիմող) 2022 թվականի ապրիլի 22-ին ՀՀ սնանկության դատարան դիմում է ներկայացրել ընդդեմ «ՎՐՈՒՎԱՐ» ՍՊԸ-ի (հասցեն՝ ՀՀ, ք. Երևան, Նժդեհի 42, ՀՎՀՀ՝ 02245519) վերջինիս սնանկ ճանաչելու պահանջի մասին:

Դիմումը դատավոր Լ. Հարությունյանին հանձնվել է 2022 թվականի ապրիլի 27-ին և նույն օրն ընդունվել է վարույթ:

Դատարանի «Դիմումը վարույթ ընդունելու մասին» 27.04.2022 թվականի որոշումը «Սնանկության մասին» ՀՀ օրենքի 13-րդ հոդվածի 3-րդ մասով սահմանված կարգով ուղարկվել է նույն հոդվածով սահմանված բոլոր մարմիններին:

Դատարանի «Սնանկության ժամանակավոր կառավարիչ նշանակելու մասին» 10.05.2022 թվականի որոշմամբ Վահագն Դավթյանը նշանակվել է «ՎՐՈՒՎԱՐ» ՍՊԸ-ի սնանկության գործով ժամանակավոր կառավարիչ:

Դատարանի 16.03.2023 թվականի վճռով «ՎՐՈՒՎԱՐ» ՍՊԸ-ն ճանաչվել է սնանկ:

Դատարանի 24.03.2022 թվականի որոշմամբ Վահագն Դավթյանը նշանակվել է «ՎՐՈՒՎԱՐ» ՍՊԸ-ի սնանկության գործով կառավարիչ, և որոշումը նույն օրն ուղարկվել է դատավարության մասնակիցներին:

Դատարանի 20.06.2023 թվականի որոշմամբ «ՎՐՈՒՎԱՐ» ՍՊԸ-ի սնանկության գործով պարտատերերի պահանջների նախնական ցուցակը հաստատվել է որպես վերջնական և պարտատերերի առաջին ժողովը նշանակվել է 2023 թվականի հուլիսի 25-ին՝ ժամը 14:00-ին, ՀՀ սնանկության դատարանի շենքում (ՀՀ, ք. Երևան, Օտյան 53/2):

25.07.2023 թվականին սնանկության կառավարիչ Վահագն Դավթյանը ՀՀ սնանկության դատարան է ներկայացրել դիմում՝ «ՎՐՈՒՎԱՐ» ՍՊԸ-ի լուծարման վարույթը սկսելու վերաբերյալ:

Դատավոր Լ. Հարությունյանը 2023 թվականի հուլիսի 24-ից մինչև օգոստոսի 11-ը ներառյալ գտնվել է ամենամյա հերթական արձակուրդում:



Դատարանը ուսումնասիրելով ներկայացրած դիմումը, 20.06.2023 թվականի պարտատերերի առաջին ժողովի արձանագրությունը և կից փաստաթղթերը հարկ է համարում արձանագրել հետևյալը.

ՀՀ քաղաքացիական օրենսգրքի 67-րդ հոդվածի 4-րդ մասի համաձայն՝ իրավաբանական անձը լուծարվում է նաև սնանկության հետևանքով:

«Սնանկության մասին» ՀՀ օրենքի 60-րդ հոդվածի 2-րդ մասի համաձայն՝ **ֆինանսական առողջացման ծրագիրը պետք է ներկայացվի մինչև առաջին ժողովը:** Ֆինանսական առողջացման ծրագիր ներկայացնելու իրավունք ունեցող անձի միջնորդությամբ դատարանը կարող է երկարաձգել ծրագրի ներկայացման ժամկետը ևս 30 օրով: Ֆինանսական առողջացման ծրագրի հետ մեկտեղ պարտատերերին, ինչպես նաև առողջացման ծրագրով նախատեսված ծրագրի հնարավոր ֆինանսավորողներին ըստ պահանջի ներկայացվում են բոլոր այն տեղեկությունները, այդ թվում՝ ֆինանսական, որոնք հիմք են ծառայել պարտապանի ֆինանսական առողջացման ծրագրի համար:

«Սնանկության մասին» ՀՀ օրենքի 70-րդ հոդվածի 1-ին մասի համաձայն՝ նույն օրենքով սահմանված ժամկետում **ֆինանսական առողջացման ծրագիր չներկայացվելու**, ներկայացված ծրագրի հաստատումը մերժվելու, ֆինանսական առողջացման ծրագիրը վաղաժամկետ դադարեցվելու, ֆինանսական առողջացման ծրագրի կատարման մասին կառավարչի հաշվետվության հաստատումը մերժվելու դեպքում **դատարանը որոշում է կայացնում պարտապանի իրավաբանական անձի լուծարման** կամ պարտապան անհատ ձեռնարկատիրոջ գործունեության դադարեցման վարույթ սկսելու մասին:

«Սնանկության մասին» ՀՀ օրենքի 70-րդ հոդվածի 2-ին մասի համաձայն՝ պարտապանի լուծարման մասին որոշման կայացումից հետո՝ 5 օրվա ընթացքում, կառավարիչն այն հրապարակում է իրավաբանական անձանց պետական գրանցման մասին տվյալներ հրապարակող մամուլում: Պարտապանին լուծարելու մասին որոշման մեկ օրինակը դատարանն ուղարկում է իրավաբանական անձանց պետական գրանցումն իրականացնող մարմնին՝ համապատասխան գրառում կատարելու համար:

«Սնանկության մասին» ՀՀ օրենքի 19-րդ հոդվածի 1-ին մասի «է» կետի համաձայն՝ պարտապանին լուծարելու մասին որոշում կայացնելու պահից դատարանը անհապաղ որոշում է կայացնում պարտապանի գույքը տնօրինելու և կառավարելու իրավունքները կասեցնելու մասին, իսկ նույն օրենքի 72-րդ հոդվածի 1-ին մասի համաձայն՝ եթե դատարանը կայացրել է պարտապանին լուծարելու մասին որոշում, ապա գույքը կառավարելու կամ տնօրինելու պարտապանի բոլոր իրավունքները կասեցվում են դատարանի որոշմամբ:

«Սնանկության մասին» ՀՀ օրենքի 71-րդ հոդվածի 1-ին մասի համաձայն՝ դատավորի կողմից պարտապանի լուծարման վերաբերյալ որոշումը կայացնելուց հետո՝ 7 օրվա ընթացքում, կառավարիչը դատարանի որոշման հիման վրա արգելադրում է պարտապանին սեփականության իրավունքով պատկանող գույքը, բացառությամբ այն գույքի, որի վրա, Հայաստանի Հանրապետության օրենսդրության համաձայն, բռնագանձում չի կարող տարածվել:

Տվյալ դեպքում սնանկության գործով կառավարիչ Վահագն Դավթյանը դիմումով հայտնել է, որ 25.07.2023 թվականին նշանակված «ՎԸՈՒՎԱԸ» ՍՊԸ-ի պարտատերերի առաջին ժողովը կայացել է, որին հեռակա կարգով մասնակցել է պարտատեր ՀՀ պետական եկամուտների կոմիտեի ներկայացուցիչ Սևադա Աբրահամյանը, միաժամանակ կցելով պարտատերերի ժողովի 25.07.2023 թվականի արձանագրության, ժողովի մասնակիցների գրանցման թերթիկի, լիազորագրի, քվեաթերթիկի, պարտատերերի առաջին ժողովի մասին հաշվետվության պատճենները:

Բացի այդ՝ սնանկության կառավարիչը հայտնել է, որ օրենքով սահմանված ժամկետում առողջացման ծրագիր չի ներկայացվել:

Վերոգրյալի հիման վրա սնանկության կառավարիչ Վահագն Դավթյանը խնդրել է սկսել «ՎՐՈՒՎԱՐ» ՍՊԸ -ի լուծարման վարույթ:

Վերը նշվածը հաշվի առնելով, ինչպես նաև նկատի ունենալով, որ մինչև առաջին ժողովը ֆինանսական առողջացման ծրագիր չի ներկայացվել Դատարանը գտնում է, որ «Սնանկության մասին» ՀՀ օրենքի 70-րդ հոդվածի 1-ին մասի հիմքով անհրաժեշտ է սկսել «ՎՐՈՒՎԱՐ» ՍՊԸ -ի լուծարման վարույթ:

Միաժամանակ, պետք է կասեցնել «ՎՐՈՒՎԱՐ» ՍՊԸ-ի գործունեությունը, այն է՝ կասեցնել գույքը կառավարելու և տնօրինելու նրա բոլոր իրավունքները:

Ելնելով վերոգրյալից և ղեկավարվելով «Սնանկության մասին» ՀՀ օրենքի 19-րդ, 20-րդ, 60-րդ, 70-րդ, 72-րդ հոդվածներով, ՀՀ քաղաքացիական դատավարության օրենսգրքի 199-րդ և 200-րդ հոդվածներով Դատարանը՝

Ո Ր Ո Շ Ե Ց

1. Սկսել «ՎՐՈՒՎԱՐ» ՍՊԸ-ի լուծարման վարույթ:

2. Հանձնարարել իրավաբանական անձանց պետական գրանցում իրականացնող պետական մարմնին՝ օրենքով սահմանված կարգով կատարելու համապատասխան գրառում իրավաբանական անձանց պետական գրանցամատյանում:

3. Հանձնարարել սնանկության կառավարիչ Վահագն Դավթյանին՝

ա) 5 (հինգ) օրվա ընթացքում «ՎՐՈՒՎԱՐ» ՍՊԸ-ի լուծարման մասին որոշումը հրապարակել իրավաբանական անձանց պետական գրանցման մասին տվյալներ հրապարակող մամուլում:

բ) 7 (յոթ) օրվա ընթացքում արգելադրել «ՎՐՈՒՎԱՐ» ՍՊԸ-ի սեփականության իրավունքով պատկանող գույքը, բացառությամբ այն գույքի, որի վրա, Հայաստանի Հանրապետության օրենսդրության համաձայն, բռնագանձում չի կարող տարածվել:

4. Կասեցնել «ՎՐՈՒՎԱՐ» ՍՊԸ-ի գույքը կառավարելու և տնօրինելու բոլոր իրավունքները:

5. Սույն որոշումն օրինական ուժի մեջ է մտնում հրապարակման պահից և կարող է բողոքարկվել Հայաստանի Հանրապետության վերաբնիչ քաղաքացիական դատարան՝ կայացվելուց հետո տասնհինգօրյա ժամկետում:

ԴԱՏԱՎՈՐ՝



Լ. ՀԱՐՈՒԹՅՈՒՆՅԱՆ